

# Txhua Yam rau Cov Me Nyuam Yaus

***Key Pab Txhawb Nqa Cov Tsev Neeg Los Ntawm Children's Long-Term Support Waiver Program  
(Qhov Kev Pab Txhawb Mus Ntev Rau Cov Me Nyuam Yaus)***

Txhua Yam Rau Cov Me Nyuam Yaus yog ib tsab ntawv xov xwm uas tau tsim los tshaj tawm rau koj thiab koj tsev kom paub txog cov kev pab txhawb thiab cov kev pab cuam ntawm CLTS Waiver Program (Qhov Kev Pab Txhawb CLTS). Tsab ntawv xov xwm no raug tsim los ntawm Wisconsin Department of Health Services (Lub Tuam Tsev Hauj Lwm Saib Xyuas Kev Noj Qab Haus Huv Hauv Wisconsin).



## **TSAB NTAWV XOV XWM TXHUA YAM RAU COV ME NYUAM YAUS NO HAIS TXOG TUS KAB MOB COVID-19**

**(THE ALL IN FOR KIDS NEWSLETTER  
ABOUT COVID-19) H**

Cov ntaub ntawv raug sau rau hauv tsab ntawv xov xwm Txhua Yam rau Cov Me Nyuam Yaus raug luam tawm thiab tshaj tawm mus raws li Tsab Ntawv Txib (Xaj) 72 Ntawm Feem Tswj Xyuas Txoj Cai hauv Xeev Wisconsin rau kis muaj xwm txheej kub ntxhov ceev rau kev noj qab haus huv.

## **Cov ntaub ntawv tseem ceeb rau cov me nyuam yaus thiab cov tsev neeg txog tus kab mob COVID-19**

Wisconsin Department of Health Services, DHS (Lub Tuam Tsev Hauj Lwm Saib Xyuas Kev Noj Qab Haus Huv Hauv Wisconsin) nkag siab tias muaj ntau tsev neeg tsis paub tias yuav ua li cas rau thaum lub sij hawm sib kis kab mob ntawm tus kab mob COVID-19 (tus kab mob coronavirus). Txawm tias qhov no yuav yog ib lub sij hawm nyuaj los xij, DHS yeej mob siab muab kev pab rau cov neeg kom sawv daws tseem noj nyob tau li qhov qub raws li qhov ua tau, nrog rau muab kev saib xyuas cov tsev neeg kom muaj kev nyab xeeb thiab raug tiv thaiv.

Txhua cov zos nyob thooob plaws hauv Wisconsin, los yog thooob plaws hauv lub ntiat teb tam sim no raug hais kom nyias ceev nyias tus kheej txhob nyob sib ze los yog chwv nrog lwm cov neeg uas tsis yog yus cov neeg hauv tsev. Tus Tswv Xeev yawg Tony Evers tau sau ib tsab ntawv txib (xaj) "Nyob Twj Ywm Rau Hauv Tsev Nyab Xeeb Dua" kom sawv daws txhob tawm mus sab nrauv tej chaw muaj neeg coob yog tsis tseem ceeb txhawm rau pab txo thiab tiv thaiv kev sib kis ntawm tus kab mob COVID-19. Kev pab txhawb thiab pab cuam rau cov me nyuam yaus thiab tsev neeg tseem yog ib yam tseem ceeb tshaj plaws rau Children's Long-Term

Support (CLTS) Waiver Program (Qhov Kev Pab Txhawb Mus Ntev Rau Cov Me Nyuam Yaus) rau thaum lub sij hawm muaj kab mob sib kis rau hauv lub ntiaj teb tam sim no. Tam sim no raug muab qee cov kev pab cuam raws hauv xov tooj los sis raws hauv online txhawm rau pab txo thiab tiv thaiv kev sib kis ntawm tus kab mob COVID-19 rau cov tsev neeg, thiab cov neeg ua hauj lwm ntawm CLTS thiab cov kws muab kev pab cuam. Cov kws pab txhawb thiab pab cuam (SSCs) thiab cov kws muab kev pab cuam yuav saib xyuas cov tsev neeg txhawm rau kom muaj kev sib txuas lus tau zoo tshaj plaws yog li ntawd lawv thiab tau txais cov kev pab txhawb thiab pab cuam raws li qhov qub tsis hloov.

### **Txwv tsis pub cov kws pab txhawb thiab pab cuam tuaj muab kev nthuav qhia sib tim ntsej tim muag**

Vim tus kab mob COVID-19, CLTS Waiver Program (Qhov Kev Pab Txhawb CLTS) tau txwv txhua yam kev sib tham los yog sib ntsib tim ntsej tim muag ntawm tus kws SSC nrog rau cov tsev neeg.

Qhov no muaj kev hloov rau txhua yam kev sib tham los yog sib ntsib uas tus kws SSC tau tuaj saib rau tom tsev xws li:

- Txhua yam kev kuaj xyuas tus me nyuam yaus kom tiav txhij txhua thiab txiav txim txog qhov tsim nyog muab kev pab rau tus me nyuam
- Kev saib xyuas kev pab cuam (kev sib txuas lus hauv lub hlis), xws li txhua yam kev sib txuas lus ntawm cov tsev neeg nrog rau ib tug kws SSC
- Txhua yam kev sib txuas lus txhawm rau kom tus me nyuam tseem muaj cai tsim nyog raug saib xyuas rau hauv qhov kev pab txhawb

Peb tseem yuav tshuaj ntsuam xyuas txuas mus ntxiv txog qhov kev txwv ntawm kev sib ntsib sib tham tim ntsej tim muag.

### **Kev sib txuas lus nrog cov tsev neeg tau zoo li cas**

Cov tsev neeg thiab tus kws SSC yuav koom ua hauj lwm ua ke los tshawb nrhiav cov hau kev zoo tshaj plaws rau kev sib txuas lus rau thaum lub sij hawm no thiab txiav txim siab seb hom kev sib txuas lus twg thiab li siv tau zoo tshaj plaws rau tsev neeg. Pib txwv, hloov qhov kev sib tham tim ntsej tim muag nrog tus kws SSC los sib tham raws hauv xov tooj los sis raws hauv online.

Yuav pab txhawb cov me nyuam yaus thiab cov tsev neeg, cov kws SSCs yuav nquag sib txuas lus nrog txhua tsev neeg rau thaum lub sij hawm muaj tus kab mob sib kis no. Tshwj tsis yog cov tsev neeg nyiam kom muaj kev sib txuas lus tsawg dua, cov kws SSCs yuav tsum sib txuas lus nrog cov tsev neeg tsawg kawg yog ib hlis ib zaug. Cov tsev neeg thiab tus kws SSC yuav tsum koom ua hauj lwm ua ke los tsim ib txoj kev npaj sib txuas lus uas siv tau zoo tshaj plaws rau txhua tsev neeg.

Xav kom cov tsev neeg muaj kev sib txuas lus tas li nrog tus kws SSC thiab tham nrog tus kws SSC txog yam xav kom muaj kev nyab xeeb thiab kev noj qab haus huv rau lawv tsev neeg.

### **Tam sim no muaj cov kev pab txhawb thiab pab cuam nyob sib nrug deb rau cov tsev neeg lawm**

Cov tsev neeg, cov kws muab kev pab cuam, thiab tus kws SSC yuav koom ua hauj lwm ua ke los tshawb nrhiav cov hau kev zoo tshaj plaws rau kev sib txuas lus rau thaum lub sij hawm no thiab txiav txim siab seb hom kev sib txuas lus twg thiab li siv tau zoo tshaj plaws rau tsev neeg. CLTS Waiver Program (Qhov Kev Pab Txhawb CLTS) muaj ntau yam kev pab cuam pauv hloov raws li siab xav tau uas yav dhau los tau saib xyuas tim ntsej tim muag thiab tam sim no tuaj yeem muab kev pab txhawb rau cov me nyuam yaus thiab cov tsev neeg raws hauv xov tooj los yog raws hauv tej yam khoom siv tev naus laus zis. Qhov no tsuas hloov pauv mus ib ntus xwb.

---

Cov ntaub ntawv raug sau rau hauv tsab ntawv xov xwm Txhua Yam rau Cov Me Nyuam Yaus raug luam tawm thiab tshaj tawm mus raws li Tsab Ntawv Txib (Xaj) 72 Ntawm Feem Tswj Xyuas Txoj Cai hauv Xeev Wisconsin rau kis muaj xwm txheej kub ntxhov ceev rau kev noj qab haus huv.

Tam sim no yuav tsum tau muab kev pab txhawb thiab pab cuam ntawm CLTS Waiver Program (Qhov Kev Pab Txhawb CLTS) sib nrug deb rau tom vaj tom tsev rau thaum lub sij hawm muaj Tus Tswv Xeev yawg Evers tsab ntawv txib "Nyob Twj Ywm Rau Hauv Tsev Nyab Xeeb Dua":

- Cov kev pab cuam sib txuam ua ke ntau yam hauv lub zos
- Kev pab tswv yim thiab cov kev kho xws li:
  - Kev kho kom paub ua ub no
  - Kev kho los ntawm tso suab nkauj rau mloog
  - Lwm cov hauj lwm los sis kev kho uas tuaj yeem qhia raws hauv xov toj los sis sib tham pom duab vis dis aus
- Kev cob qhia cov txuj ci ua ub ua no hauv txhua hnuv
- Kev pab tswv yim txog vaj tse
- Kev pab qhia tswv yim
- Kev pab txhawb thiab pab cuam
- Kev pab txhawb txog kev ua hauj lwm rau tus kheej
- Kev cob qhia rau cov neeg zov me nyuam uas tsis them nqi zov rau

Yog koj muaj lus nug txog lwm cov kev pab cuam, tham nrog tus kws SSC thiab cov kws muab kev pab cuam.

## Kev sib txuas nrog tus neeg muaj dag zog tseem ceeb ntawm cov tsev neeg rau kev saib xyuas me nyuam

Kev muab kev saib xyuas me nyuam rau tus neeg muaj dag zog tseem ceeb zov yog tseem ceeb heev txhawm rau kev pab txo sib kis ntawm tus kab mob COVID-19 rau hauv Wisconsin. Cov chaw zov me nyuam nyob thoob plaws hauv lub xeev yeej tseem qhib pab txhawb [essential workforce](#) (tus neeg muaj dag zog tseem ceeb) hauv tsev neeg xws li cov neeg ua hauj lwm rau feem saib xyuas kev noj qab haus huv, cov neeg ua hauj lwm rau cov khw muag khoom, thiab lwm cov hauj lwm tseem ceeb, cov neeg uas tseem sau ntawv teev num mus tom txoj hauj lwm rau thaum lub sij hawm muajtus kab mob sib kis. Xav tshawb nrhiav cov chaw zov me nyuam hauv lub zos, qhov chaw zov me nyuam nyab xeeb, siv cov twj tshawb nrhiav tshiab ntawm Department of Children and Families' (DCF's) (Lub Tuam Tsev Saib Xyuas Cov Me Nyuam Yaus thiab Cov Tsev Neeg) mus:

- Tshuaj xyuas [new child care map](#) (daim ntawv qhia cov chaw zov me nyuam tshiab) mus saib seb muaj hom kws zov me nyuam nyob thoob plaws rau hauv lub xeev yog hom zoo li cas.
- Xa ib daim ntawv [request for care](#) (thov zov me nyuam) mus rau DCF qhov kho tshiab ntawm Kev Tshawb Nrhiav Chaw Zov Me Nyuam (Child Care Finder).
- Saib cov lus qhia ntawm DCF hais txog [tips for parents](#) (cov tswv yim rau cov niam txiv) kev siv neeg zov me nyuam rau thaum lub sij hwm muaj tus kab mob COVID-19.



### Kev Tiv Thav Cov Tsev Neeg Los Ntawm Kev Dag Noj Dag Haus

Cov tsev neeg yuav tsum tau ceev faj txog cov neeg dag noj dag haus los ntawm tus kab mob COVID-19 rau thaum lub sij hawm muaj tus kab mob sib kis no. Yog ib tsev neeg raug hais kom mus kuaj los sis kho tus kab mob COVID-19 los ntawm kev hu hauv xov toj tuaj rau lawv, pom hauv social media, los sis tuaj khob qhov rooj hais rau tom tsev, ces yuav tau tsis txhob quav ntsej txog lawv. Cov kev pab cuam no, los sis txhua yam kev thov uas nug txog tej ntaub ntawv ntawm tus kheej ntiag tug ces yog cuav nkaus xwb. Yog ib tsev neeg tau txais ib tsab xov toj hu tuaj thov tus kheej ntiag cov ntaub ntawv thiab lawv tsis paub meej tias tus neeg lawv nrog tham no yog leej twg, lawv yuav tsum khwb lub xov toj thiab hu xov toj mus qhia rau tus kws SSC.

Cov ntaub ntawv raug sau rau hauv tsab ntawv xov xwm Txhua Yam rau Cov Me Nyuam Yaus raug luam tawm thiab tshaj tawm mus raws li Tsab Ntawv Txib (Xaj) 72 Ntawm Feem Tswj Xyuas Txoj Cai hauv Xeev Wisconsin rau kis muaj xwm txheej kub ntxhov ceev rau kev noj qab haus huv.

## Cov ntaub ntawv pab tau zoo rau cov tsev neeg hais txog tus kab mob COVID-19

Yog koj muaj lus nug los sis xav tau kev pab, tham nrog tus kws SSC.

### Cov ntaub ntawv nthuav dav hais txog tus kab mob COVID-19

Mus saib hauv cov chaw (links) nram qab no yog xav tau cov ntawv kho tshiab thiab cov ntaub ntawv tshiab tam sim no hais txog tus kab mob COVID-19:

- [How to stay healthy, and what to do when you're sick](#) (Yuav ua li cas thiaj noj qab nyob zoo, thiab thaum koj muaj mob lawm yuav ua li cas)
- [DHS program updates on COVID-19](#) (DHS cov xov xwm qhia tshiab txog tus kab mob COVID-19)
- [COVID-19 video](#) (Daim vis dis aus hais txog tus kab mob COVID-19)

### Kev pab txhawb cov tsev neeg rau thaum muaj tus kab mob COVID-19

Cov links muaj txiaj ntsig zoo no tuaj yeem pab cov tsev neeg tswj tej teeb meem kev nyuaj siab los ntawm tus kab mob COVID-19:

- [COVID-19 fact sheet](#) (Daim ntawv hais qhia qhov tseeb txog tus kab mob COVID-19)
- [Resilient Wisconsin](#) (Ntsig txog kev tiv thaiv hauv Wisconsin)
- [You are safer at home](#) (Koj yuav nyab xeeb dua yog nyob twj ywm rau hauv tsev)
- [Information for and by people with disabilities](#) (Cov ntaub ntawv rau thiab los ntawm cov neeg tsis taus)
- [Supporting individuals with autism](#) (Kev pab txhawb rau cov neeg lub hlwb tsis puv pua)
- [Staying connected with social distancing](#) (Yuav tau siv cov cai caiv nyob kom sib nrug deb)
- [Instructional videos on distance learning—create a free account](#) (Cov vis dis aus qhia txog kev kawm ntawv sib nrug deb—tsim ib as qhuaj tau dawb)

## Cov txiaj ntsig pab txhawb thiab pab cuam rau cov me nyuam yaus thiab cov tsev neeg

Cov me nyuam yaus uas tau tso npe rau hauv CLTS Waiver Program (Qhov Kev Pab Txhawb CLTS) yuav tau txais kev pab cuam thiab pab txhawb raws li qhov txiaj txim siab ua ke los ntawm tsev neeg thiab tus kws SSC. Cov [Supports and Services Benefits at a Glance handout](#) (Txiaj Ntsig Pab Txhawb thiab Pab Cuam rau ntawm ib Phau Ntawv Qhia) yog yam nkag siab tau yooj yim, muaj ntau cov ncauj lus hais txog cov kev pab txhawb thiab pab cuam ntawm CLTS Waiver Program (Qhov Kev Pab Txhawb CLTS) uas hais txog cov me nyuam yaus tsim nyog raug pab.

Cov tsev neeg siv phau ntawv no thaum sib tham nrog tus kws SSC txog kev txiaj txim yam kev pab cuam thiab pab txhawb zoo tshaj plaws txhawm rau ua kom tau raws li yam xav tau thiab cov hom phiaj ntawm tus me nyuam.

Cov ntaub ntawv raug sau rau hauv tsab ntawv xov xwm Txhua Yam rau Cov Me Nyuam Yaus raug luam tawm thiab tshaj tawm mus raws li Tsab Ntawv Txib (Xaj) 72 Ntawm Feem Tswj Xyuas Txoj Cai hauv Xeev Wisconsin rau kis muaj xwm txheej kub ntxhov ceev rau kev noj qab haus huv.



Tsev Neeg Phau Ntawv Hais Txog Children's Long-Term Support Waiver Program (Qhov Kev Pab Txhawb Mus Ntev Rau Cov Me Nyuam Yaus) raug luam tawm thiab tshaj tawm los ntawm Wisconsin Department of Health Services (Lub Tuam Tsev Hauj Lwm Saib Xyuas Kev Noj Qab Haus Huv) rau cov me nyuam yaus thiab cov tsev neeg hauv CLTS Waiver Program (Qhov Kev Pab Txhawb CLTS).

CLTS Waiver Program (Qhov Kev Pab Txhawb CLTS) siv cov nyiaj ntawm Medicaid txhawb rau pab txhawb cov me nyuam yaus uas muaj kev tsis taus rau qee yam ntawm lub cev vim loj hlob qeeb, lub cev tsis taus, los sis puas hlwb uas nyob rau hauv tsev los sis hauv lub zos. Tej zaum yuav raug siv pob nyiaj los pab txhawb raws li qhov tshuaj ntsuam xyuas kev muaj teeb meem ntau tsawg thiab qhov xav tau kev pab ntawm koj tus me nyuam thiab tsev neeg thiab saib raws li cov hom phiaj los sis yam ua tau tshwm sim los.

Yog xav paub ntau ntxiv, mus saib hauv [Services for Children With Delays or Disabilities](#) (Cov Kev Pab Cuam rau Cov Me Nyuam Yaus Loj Hlob Qeeb los sis Tsis Taus) lub webpage. Yog xav tau kev pab txhais Phau Ntawv no, hu rau Lub Chaw Saib Xyuas Me Nyuam Yaus rau ntawm tus xov tooj 608-266-8560.